

**TEKS PERCAKAPAN
TIMBALAN MENTERI
KEMENTERIAN PERDAGANGAN DALAM NEGERI
DAN HAL EHWAL PENGGUNA**

**PENGUMUMAN PENENTUAN HARGA MAKSIMUM
BARANGAN HARGA TERKAWAL
SKIM HARGA MAKSIMUM MUSIM PERAYAAN
KRISMAS 2019**

1. Kementerian Perdagangan Dalam Negeri dan Hal Ehwal Pengguna akan melaksanakan Skim Harga Maksimum Musim Perayaan Krismas (SHMMP) 2019 **sebagai langkah untuk menyekat kenaikan harga barangan keperluan menjelang perayaan Krismas yang akan disambut pada 25 Disember 2019 diseluruh negara. Tarikh kuat kuasa Skim ini adalah dari 22 Disember hingga 31 Disember 2019.**

2. Tempoh kuat kuasa bagi SHMMP KRISMAS 2019 adalah selama **10 hari iaitu selama 3 hari sebelum perayaan, pada hari perayaan dan 6 hari selepas hari perayaan berbanding 5 hari pelaksanaannya sebelum ini.**

3. Skim ini akan dilaksanakan di bawah Akta Kawalan Harga dan Antipencatutan 2011.

4. Kementerian ini telah mengenal pasti sebanyak **19 jenis barangan bagi pelaksanaan Skim Harga Maksimum Musim Perayaan Krismas 2019 berbanding 16 jenis barangan sebelum ini.** Pertambahan barangan melibatkan cili merah, kubis bulat import (Indonesia dan China tidak termasuk kubis Beijing) dan ubi kentang import (China).

Kategori barangan harga terkawal terdiri daripada ayam, telur ayam, sayuran, daging kambing dan daging babi.

5. **Senarai barangan dan harga bagi SHMMP KRISMAS 2019** adalah seperti berikut:

Harga Maksimum Skim Harga Maksimum Musim Perayaan Krismas 2019				
Bil	Barangan	Unit	Harga (RM)	
			Borong	Runcit
1	Ayam Hidup	1kg	5.30	5.80
2	Ayam Standard	1kg	6.60	7.30
3	Ayam Super	1kg	7.30	8.10
4	Ayam Belanda Import	1kg	25.00	28.00
5	Telur Ayam Gred A	sebiji	0.38	0.40
6	Telur Ayam Gred B	sebiji	0.37	0.39
7	Telur Ayam Gred C	sebiji	0.36	0.38
8	Daging Kambing Tempatan Bertulang	1kg	44.00	47.00
9	Daging Kambing dan Bebiri Import Bertulang	1kg	22.50	26.00
10	Ubi Kentang Import (China)	1kg	2.00	3.00
11	Cili Merah	1kg	11.00	13.00

12	Kubis Bulat Import (Indonesia dan China tidak termasuk kubis Beijing)	1kg	2.00	3.00
13	Tomato	1kg	3.30	4.30
14	Lada Benggala Hijau	1kg	8.00	10.00
15	Ayam Tua Hidup	1kg	7.10 (Sarawak Sahaja)	7.90 (Sarawak Sahaja)
16	Kepak Ayam	1kg	11.00 (Sarawak)	12.00 (Sarawak)
			10.00 (Sabah)	11.00 (Sabah)
17	Babi Hidup (Peringkat Ladang)	1kg	10.00 (Sarawak)	
			11.00 (Sabah)	
18	Daging Babi (Perut)	1kg	17.50 (Sarawak)	19.50 (Sarawak)
			20.00 (Sabah)	22.00 (Sabah)
19	Daging Babi (Daging dan Lemak)	1kg	16.50 (Sarawak)	18.50 (Sarawak)
			18.00 (Sabah)	20.00 (Sabah)

6. Penentuan harga maksimum **pengeluar, borong dan runcit dibuat mengikut kewajaran dan kesesuaian bagi penguatkuasaan kawalan harga yang lebih berkesan** untuk **memastikan harga yang berpatutan bagi manfaat pengguna dan peniaga**. Sehubungan ini, **harga maksimum ditentukan di peringkat pengeluaran (ladang) bagi ayam hidup dan telur ayam**.

7. Kementerian Perdagangan Dalam Negeri dan Hal Ehwal Pengguna menentukan harga maksimum pengeluar, borong dan runcit berdasarkan kepada maklumat harga dari punca-punca berikut:

- (i) pemantauan harga di semua daerah di seluruh negara sepanjang tahun 2018 dan pada bulan Januari hingga Disember 2019 berdasarkan kepada pungutan harga yang ditetapkan secara mingguan oleh Kementerian Perdagangan Dalam Negeri dan Hal Ehwal Pengguna;
- (ii) pandangan pelbagai agensi Kerajaan yang berkaitan iaitu Jabatan Pertanian Malaysia, Jabatan Perkhidmatan Veterinar (JPV) dan Lembaga Pemasaran Pertanian Persekutuan (FAMA) ; dan
- (iii) perbincangan dengan pengeluar, pengimport, pembekal dan pemborong barangan tersebut.

8. Penentuan harga barangan bagi negeri-negeri dibuat mengikut kesesuaian harga pasaran semasa dan mengambil kira faktor perubahan harga, khususnya bagi barangan import yang dipengaruhi harga di negara asal, perubahan kadar tukaran mata wang dan peningkatan kos utiliti penternak.

9. Sekiranya peniaga dengan sengaja menaikkan harga tanpa alasan-alasan yang munasabah dengan niat untuk membuat keuntungan tinggi yang berlebihan, Kementerian boleh bertindak di bawah Akta Kawalan Harga dan Antipencatutan 2011 melalui melalui Peraturan-Peraturan Kawalan Harga dan Antipencatutan (Mekanisme Untuk Menentukan Keuntungan Tinggi Yang Tidak Munasabah) 2018 yang mula kuatkuasa pada 6 Jun 2018.

10. Selain itu, notis di bawah Seksyen 21 Akta turut dikeluarkan dan dikuatkuasakan dengan tegas ke atas mana-mana pihak yang didapati menaikkan harga secara mendadak bagi mendapatkan penjelasan.

11. Adalah diingatkan bahawa **tindakan tegas akan diambil terhadap peniaga yang gagal mematuhi peraturan-peraturan di bawah skim ini.** Mana-mana peniaga yang melakukan kesalahan akan diambil tindakan di bawah Akta Kawalan Harga dan Antipencatutan 2011 dan boleh dikenakan penalti seperti berikut:

- (i) **Kesalahan menjual barangan harga terkawal melebihi harga maksimum:**

- (a) **Individu;** boleh didenda oleh mahkamah sehingga RM100,000 atau dipenjarakan tidak melebihi tiga tahun atau kedua-duanya atau dikompaun sehingga RM50,000; dan
 - (b) **Syarikat;** boleh didenda sehingga RM500,000 atau dikompaun sehingga RM250,000;
- (ii) **kesalahan gagal meletakkan tanda harga berwarna merah jambu** bagi barangan harga terkawal:
- (a) **individu;** boleh didenda oleh mahkamah sehingga RM10,000 atau dikompaun sehingga RM5,000; dan
 - (b) **syarikat;** boleh didenda sehingga RM20,000 atau dikompaun sehingga RM10,000.

12. Saya juga ingin memaklumkan bahawa **Pegawai Penguatkuasa Kementerian Perdagangan Dalam Negeri dan Hal Ehwal Pengguna** akan berada di lokasi-lokasi yang menjadi tumpuan orang ramai membeli-belah seperti pasar awam, pasar tani dan pasaraya untuk **menjalankan pemeriksaan dan pemantauan**. Langkah-langkah ini mencerminkan usaha berterusan bagi **melindungi pengguna daripada aktiviti pengambilan keuntungan yang berlebihan oleh peniaga-peniaga yang tidak beretika** semasa musim perayaan.

13. Di samping itu, Kementerian turut memperkukuhkan pemantuan harga dengan mengadakan kerjasama bersama pelbagai pihak, antara lain:

- i. **Pegawai Pemantau Harga** yang menjalankan pemantauan harga barangan keperluan asas di seluruh negara di bawah Kementerian;
- ii. ***Friends Of KPDNHEP (FOK)*** yang merupakan mata dan telinga Kementerian. Kementerian akan bekerjasama dengan Pengguna yang menyertai program ini bagi menyebarkan maklumat berhubung kepenggunaan terutama mengenai isu harga barang; dan
- iii. **Kerajaan Negeri dan Agensi Kerajaan** lain serta penglibatan **penghulu dan penggawa** dalam membantu memantau dan menyalurkan maklumat kenaikan harga barangan.

14. Selain itu, Kementerian telah menyediakan **pelbagai medium penyaluran aduan** bagi memudahkan rakyat mengemukakan aduan berkaitan isu harga. Kementerian turut mewujudkan **Skuad Tindakan Aduan Rakyat (STAR)** dalam usaha untuk **menangani aduan** rakyat dengan lebih **berkesan**.

15. **Justeru itu, saya ingin tekankan bahawa peniaga hendaklah mematuhi arahan yang dikenakan dan mengamalkan sikap beretika dalam menguruskan perniagaan manakala pengguna mestilah mengetahui tanggungjawab dan menggunakan hak mereka. Skim ini**

akan berjaya sekiranya semua pihak bertanggungjawab dan memainkan peranan masing-masing.

16. Jika didapati ada peniaga yang tidak mematuhi undang-undang berkenaan dengan skim ini, **pengguna boleh menyalurkan aduan** kepada Kementerian ini melalui:

- (i) Portal e-aduan@kpdnhep.gov.my
- (ii) Call Centre 1800 886 800
- (iii) Emel e-aduan@kpdnhep.gov.my
- (iv) aplikasi telefon pintar Ez ADU
- (v) Enforcement Command Centre (ECC) 03-8882 6245 / 6088
- (vi) talian 03-8000 8000 Malaysia Government Call Centre (MYGCC)
- (vii) Whatsapp ke 019- 279 4317
- (viii) lapor/hadir ke mana-mana 73 buah pejabat KPDNHEP di seluruh negara.

Kementerian Perdagangan Dalam Negeri
dan Hal Ehwal Pengguna Putrajaya